



**DISPUTATIO IURIDICA  
DE LEGIS  
OBLIGATIONE IN FORO  
CONSCIENTIAE QUAM  
ILLUSTRIS ICTORUM...**

---

Abraham Kästner, Carl Ernst Joecher,  
Valenti Gonzaga







DISPUTATIO IVRIDICA  
DE  
LEGIS OBLIGATIONE  
IN FORO CONSCIENTIAE.

---

§. I.



eruestiganti eruditorum, artificum, mercatorum, opificum, ciuium singulorum, rusticorum, *Sine legibus viuere est inordinate viuere.* verbo, cuiuslibet in quo quis uiuit, statum atque conditionem, facile adparebit plerosque quasi sine lege viuere, id quod ex actionibus eorum non adeo difficulter iudicari potest, praepremis si hominum temperamenta oculo accuratiore intueri velis. Sic ambitiosus quomodo alios praecedere ipsisque imperare possit, studet, ad honores obtinendos muneraque publica grassatur quasi, diesque noctesque in somnis consumit,  
A 2 donec

donec finem quem intendit adeptus sit, parumque sollicitus est utrum per *Genitium*, an per *Datium* vel per quemlibet alium casum fiat. De huius generis hominibus PVFENDORFF. de iur. nat. et gent. Lib. II. c. 4. §. 9. insanum est, scribit, et detestabile, per malas artes et rationi aduersantia facinora ad famam et honores grassari. Sic avarus opes undique corradit, sibi que tritum illud saltem proponit: *Siue raptum, siue captum, modo aptum*. Voluptuosus vero haud raro dicto APOSTOLI I. ad Corinthios XV. v. 32. abutitur: *Φάγωμεν καὶ πίνωμεν, αὐριον γὰρ ἀποδοθήσομεν*; hinc hilari cantat mente: ede, bibe, lude, post mortem nulla voluptas, vel recitat illud HORATII, Lib. I. Carm. Ode 37. *Nunc est bibendum, nunc pede libero pulsanda tellus*. Misera sane imo miserrima horum omnium conditio; pronis quippe affectibus ad ea feruntur, quae facta cupiunt. Leges enim saluberrime praescriptas omnes susque deque habent. Et, si etiam externe ob poenae metum actiones suas legibus aliquando conforment, internam tamen legum obligationem ut credant, vix adduci possunt. Operam igitur me non perditurum puto si quaedam de legis obligatione in foro conscientiae coniiciam. Est enim materia haecce grauis, difficilis atque ardua, non modo a Ictis et Politicis, sed Theologis etiam et Philosophis mirum in modum agitata.

## §. II.

De lege diuina  
hic non agitur.  
De huius enim  
obligatione in  
conscientia ne-  
mo dubitare  
debet.

De lege equidem diuina sermo mihi hic non erit, quamuis enim prohi dolor! etiam non desint, qui ob huius neglectum nullam scrupulosam habent conscientiam; sunt tamen plerique aliter persuasi, ut celare nequeant conuictos sese esse in legem diuinam naturaeque peccando, illum offendi cui in animos hominum imperium est, qui

metuendus sit, etiam ubi ab hominibus metus non impendat. Quo pertinet istud IVVENALIS, *Saryr. 13.*

*Conscia facti*

*Mens habet attonitos, et surdo verberere caedit*

*Occultum quatiente animo tortore flagellum;*

*Poena autem vebemens, ac multo saevior illis*

*Quas et Caeditius grauis inuenit et Rhadamantus*

*Nocte dieque suum gestare in pectore testem.*

Quae omnia egregie confirmat PAULVS in *Ep. ad Rom. cap. 2. v. 14. 15. add. 1. IOAN. 3. v. 19. sqq.* Homo quippe ex innatis sibi principiis; DEO quaedam placere vel displicere, percipit, et ad ea, vel facienda, vel non facienda, sese obligatum esse, per necessariam consequentiam, simul intelligit. Docet hoc apertissime *Conscientia*, cuius tanta in utramque partem vis est et efficacia, ut (fatente CICERONE pro MILON.) *neque timeant, qui nihil commiserint; Et poenam semper ante oculos versari putent, qui peccauerint.* Eleganter hac de re OVID. *Lib. I. fast.*

*Conscia mens ut cuique sua est, ita concipit intra  
Pectora, pro facto, spemque metumque suo.*

### §. III.

De lege igitur *ciuili* saltem inquiram, an et *quatenus* *Quid per legem ciuilem hic intelligatur.* Per legem ciuilem autem intelligunt plerique sanctionem illam, quae vel ab eo, qui in statu *Monarchico* tenet absolutum imperium, vel in *Aristocratia*, ab *optimatibus*, vel in *Democratia*, ab *integro populo* lata est. Quam sententiam ego quidem non reicio, cum pro hac stabilienda rationes non contemnendae adduci soleant. Mihi interim inpraesentiarum, *lex ciuilis* esto norma, quam is qui τὸ νόμιον habet in Republica, subditis suis praescribit, ut vel faciant, vel omittant aliquid.

Causa igitur huius legis civilis efficiens est *summa potestas*, siue ea, vti iamiam diximus, sit penes *Regem*, siue *Optimates*, siue *Populum*.

#### §. IV.

in hac in  
conscientia ob-  
get?  
adducuntur  
dissentientes.

adfirmantes.

An vero eiusmodi lex subditos in conscientia obliget, vario inter se dissentiunt eruditi. Quaestionem pure negant e Protestantibus CALVINVS *Lib. IV. instit. 20.* BEZA et quidam alii; e Pontificiis GERSON *de vita Spiritualis, lect. 4.* (fatente BELLARMINO) ALMAIN, et (ut aliqui volunt) NAVARRVS. Affirmant autem hanc e Protestantibus MUSCVLVVS, VRSINVS, alii: et e Pontificiis, Iesuitarum et Scholasticorum plerique. v. ROBERT. SANDERSON. *de iuramenti promissorii obligatione, praelectione V.* in qua, de legum humanarum obligatione in genere tractat §. 6. p. m. 203.

#### §. V.

adfirmativa  
resenditur.  
atio I.

Vt vero adfirmantium amplectar sententiam, suadet 1) Sacer codex, perplura enim hic nobis offert loca, ex quibus haud difficulter adparet, *legem Politicam* seu *Civilem* Numini Diuino non displicere, sed obligare in conscientia. Docet hoc Gentilium Doctor *in Epist. ad Roman. c. XIII. v. 1. 2. et 5.* (ibique *Gloss. Luth.*) item *in Epist. ad TITVM cap. III. v. 1.* Adparet hoc ex Ipso veritatis ore, apud MATTH. *cap. XXVI.* Inculcat hoc inter reges sapientissimus, PROVERB. *c. VIII. v. 15.* ut alia loca, ex quibus luce meridiana clarior sententia haec elucet, sicco praeteream pede, cum, vti certe spero, contradicentem neminem inueniam qui sanam mentem in corpore sano fouet.

Poli  
magi  
profi  
licar  
bus a  
manat  
human  
nitatu  
scrupu  
de R.  
vbi ex  
adferit

F  
leges c  
Respu  
structa  
corpo  
legibus  
vniuer  
dus el  
in spe  
dilige  
cuique  
sit, ni  
bus e  
ANN  
villa



## §. VI.

Ex dictis itaque sua sponte fluit leges a Magistratu *Ratio II.*  
Politico latas obligare in conscientia, quia 2) quodcunque magistratus in salutem Reipublicae constituit, a DEO ipso proficiscitur; DEVS ipse enim adprobat ordinationem politicam, et eo ipso suam facit. Nostra quippe facimus quibus auctoritatem nostram impertimur. Leges igitur humanae sunt ordinatio DEI, non quidem directo, quatenus humanae, sed quatenus humani legislatoris potestas diuina nititur auctoritate: at Dei praeceptum sine peccato, sine scrupulo conscientiae violari nequit. *conf. REINKINGK de R. S. et E. Lib. II. Class. 2. cap. 5. n. 70. et 71. p. m. 889.* ubi ex ISERN. id de legibus Imperialibus praeprimis adserit.

## §. VII.

Accedit 3) quod ratio et conscientia dicunt, etiam *Ratio III.*  
leges civiles in utilitatem Reipublicae latas, esse seruandas. Respublica enim bonis legibus institutisque non bene instructa et firmata, facile labitur et pessum abit. Nam ut corpora nostra sine mente subsistere non possunt; ita sine legibus nec domus vlla, nec ciuitates, nec gens vlla, nec vniuersum hominum genus stare, nec ipse denique mundus esse potest, fatente eloquentissimo CICERONE, qui in specie in *Orat. pro Caccin.* nihil inquit, in ciuitate tam diligenter retinendum, quam *ius civile*, quo sublato nil cuique exploratum esse potest, quid suum, quid alienum sit, nihil est quod aequabile inter omnes atque vnum omnibus esse possit. Hinc AVGVSTINVS *Tract. 6. in 10-ANN.* tolle, *scribit* iura Imperatorum, et quis dicet; *haec vlla mea est*, Imo sine legibus tutus ac securus sub tecto  
suo

suo contra improborum vim et insidias nemo vitam transigere valet; Leges enim sunt fraena quae improborum libidines coërcent. Ipsae sunt habenae quae obstinatos et pertinaces reprimunt; Ipsae sunt vincula quibus hominum cupiditates domantur. Per leges in ciuitatem summa introducit beatitudo, floret magistratus, viuunt subditi, gaudent ciues, omniaque vigent ac prospere succedunt. Sane, legibus sublatis omnis tollitur societas diuturna. *vid. PLAT. Lib. III. de Leg.* Sacro sancta tollitur iustitia, qua remota, quid regna, nisi magna forent latrocinia? ut enim ex medicina nil putare oportet proficisci, nisi quod ad corporis vtilitatem spectat, quoniam eius causa est instituta, sic a legibus nil arbitrari prouenire decet, nisi quod Reipublicae salutare et proficuum sit, *vid. ARISTOT. I. Rhetor. 4.* Haec et similia aequa animi lance penes se perpendens facile ut credat adduci poterit, ob innumerabilia bona quae ex legum ciuiliū diligenti obseruatione in Rempublicam redundant, ciues etiam ad harum obseruationem in conscientia obligari.

#### §. VIII.

##### *Ratio IV.*

Quis denique 4) ignorat leges ciuiles ex praeceptis naturalibus constare, quod tyronibus iuris *ex §. ult. Inst. de I. et I.* non potest non esse notissimum. Quodcumque autem lex naturae faciendum praecipit et ratio naturalis inculcat, hoc in conscientia tenemur facere, quia leges tranquillitatem publicam concernentes, cum iure naturae conueniunt, et ius naturae cum iure diuino (quod citra controuersiam obligat conscientiam,) coincidit. Nunc vero in confesso apud omnes est, non duntaxat ius diuinum, sed et naturale, obediendum esse legitimo Magistratui praecipere, ex quo pronum fuit alueo, leges ciuiles



subditorum conscientias obligare, cum Magistratui obedientia debeat propter Deum, cuius ordinationi resistit, qui tali personae, tanquam vicario Dei resistit.

§. IX.

Plures adhuc alias adducunt rationes, quae tamen ad eas, de quibus diximus, suo modo referri possunt. Con-<sup>Adducuntur  
consentientes  
Theologi et  
Icti.</sup>sentientes autem mecum habeo Theologos communiter, ex quibus BALDVINVM *de casibus conscientiae Lib. IV. cap. XII. cas. 15. p. m. 884.* et GERHARDVM L. C. *tom. 6. de magistratu politico, art. 1. th. 261. seqq. ibique cit.* adduxisse sufficiant. Hancque affirmatiuam multorum auctoritate, etiam circa receptas consuetudines tuentur ex ICTIS TIRAQVELL. *de retract. lignag. in praef. n. 11. seq. et n. 74.* TIBER. DECIAN. *in tr. crimin. Lib. II. c. 12. n. 5. et per tot.* et, quos copiose recenset FREVNDEBERG *de rescript. morat. tit. 5. n. 50. p. m. 61. conf. ABB. in prooem. decretal. et in c. 1. colum. 3. de const. IASON. in l. nemo potest. lect. 2. colum. 7. ibi: quarto moueor, ff. de leg. 1. BART. in l. si quis pro eo, ff. de fidei. n. 12.*

§. X.

Non vero desunt, qui contrariam amplectuntur sententiam, variasque propterea proferunt rationes, quarum XXII. colligit HVNNIVS *de interpretat. et auctoritat. iur. lib. II. c. 1. qu. II. p. m. 97. seqq.* quas, cum pleraeque parui sint momenti, nec adducere, nec ad eas respondere placet, cum solide a laudato modo HVNNIO *l. c.* sint refutatae, ad quem L. B. ablegatum volo.

§. XI.

Quae tamen de legum ciuiliu in conscientia obligatione diximus, aliter accipienda non veniunt, nisi leges a Magistratu latae sint iustae. Lex enim iniusta non obligat in foro conscientiae, v. DECIAN. *in leg. precibus, col. 4. C. de impub. et legem iniquam condens continue*

peccat. v. LESSIVS de I. et I. p. m. 114. n. 14. et 15. lex igitur iniqua, i. e. aduersa Dei et naturae iuri, neminem subditorum, quocunque sub imperante degentem, obstringit, notante HESSENTHAL. *Athlet. Pol. cl. 2. qu. 1.* imo eiusmodi lex contra naturam seu praecepta summi Numinis facta, nil valet, nec parit ullam obligationem, attestante SCHARROK. *de offic. secundum ius naturae, cap. 12. n. 5.* Hinc BALDVINVS c. l. Si leges, inquit, fuerint impiae, ducentes ad ea, quae sunt contra veram religionem, pietatem et bonos mores, conscientiam minime obligant: *oportet enim Deo plus obedire quam hominibus, Aët. V. v. 29. conf. MEISNER. de LL. lib. 4. Sect. 1. qu. 17. WENDELIN. in doctr. polit. L. 11. c. 11. tb. 10.* neque ad poenam, prout tamen vult WENDEL l. c. quem propterea sub censuram vocat HESSENTHAL. c. 66. cuius sententia verior omnino videtur, quia ad poenam nemo obligari potest, qui ad obsequium legis non fuit adstrictus; Et poena infligi recte potest nemini, praeterquam transgressori, qualis esse nequit quicunque ad obsequendi necessitatem non fuit obligatus.

## §. XII.

Obiicis forte: Magistratus in terrestribus est vice Dei, at nos ipsi (§. VIII) diximus, magistratui resistentem resistere Dei ordinationi, ergo simpliciter paritio videtur necessaria. Pertinet huc quod MARCIANVS scribit in l. 2. ff. de LL. quod lex sit, cui omnes obtemperare conuenit, tum ob alia multa, tum vel maxime eo, quod omnis lex inuentum ac munus DEI (*δωρον Θεοῦ sit.* \*) Ast facilis est hic responsio: Magistratus sunt etiam homi-

\*) Quia nimirum omnia ab hominibus facta naturali ratione, diuina voluntate facta intelligi par est: non est dubium, quin humanae leges, pertinentes ad tuendam civilem societatem ratione naturali inter homines institutae, ratione naturali, id est, diuina voluntate, inuentae constitutaeque intelligi debeant.



homines, hinc quoque cum errare sit humanum, errare et a tramite iustitiae recedere suisque affectibus indulgere sicque leges iniquas atque iniustas decernere possunt, quod contingit aliquando ratione *fnis*, aliquando *Modi*, aliquando ratione *circumstantiarum*. v. SANDERSON. *c. l. concl. i. p. m. 205. sqq.*

§. XIII.

Exempla legum iniustarum forsan desideras? in promptu sunt. Vnum (§. XI.) ex *Actis Apostol.* iam adduximus, ubi magnum istud synedrium *Petro et Ioanni*, ne ultra loquerentur in nomine IESV, mandabat. Apostoli vero non solum non paruerunt imperato, sed et fidenter responderunt: *Vtrum iustum sit coram DEO vobis potius obaudire quam DEO, ipsi iudicate.* Nota est ista lex *Babylonica*, ut audito musico concentu aureum grande simulachrum, quod erexerat potentissimus Monarcha, singuli adorarent, idque seuerissima proposita, si qui secus facerent, poena. Hac tamen lege impia non se passi sunt obligari tres *Hebraei* adolescentes. v. DAN. c. III. quia scilicet iubebatur res illicita, cultus idoli. Lege itidem Persica lata, ne quis per aliquot dies a quoquam DEO vel homine praeterquam ab vno Persarum Rege quicquam peteret, non paruit DANIEL, sed eo ipso, quo solitus est more, statis temporibus DEVM precatus est. DANIEL. VI. Plura tam ex sacro Codice quam ex profana historia, si longius excurrere vellem, adduci possent, nisi ex his liquido iam constaret *leges iniustas et iniquas, hominum conscientias non obligare, conf.* interim de hac materia SVAREZ. de LL. l. 3. c. 21. MOLIN. tom. VI. d. 1 et i. tr. 5. disp. 73 n. 1. AUGUSTIN. de Ciuit. Dei. Lib. 19. c. 2. qu. 96. Vnde THOMAS Lib. 11. qu. 56. art. 4. *leges, inquit, iniustas esse magis violentias, quam leges.* v. etiam BALDVINVS l. 2.

*Exempla legum iniquarum.*



## §. XIV.

De subditis huc vsque an et quando illos leges in conscientia obligent? dictum fuit. Quid vero intuitu ipsius legislatoris obtineat, paucis nunc videndum. Varie autem pro more, hic sentiunt et distinguunt Doctores: In eo tamen concors fere eorum opinio, *legislatorem obligari* quoad vim directiuam, *i. e. in conscientia*, non vero quoad vim coactiuam, *i. e. ad eum effectum*, vt cogi possit, vti ex variis iuris locis hoc deducere voluit LAVTERBACH in *compend. tit. de LL. lit. s. p. 8.* et FACHIN. CONTR. L. XI. c. 2. WVRMSER. Ex. III. qu. 1. Quae distinctio tamen ad eum legislatorem seu Principem applicari nequit, qui iure proprio Imperium tenet. Hic enim ipse in utilitatem reipublicae suae leges constituit, et per consequentiam *nec quoad vim directiuam* legibus a se latis obligatur. Leges quippe ex naturali ratione feruntur subditis; ac Princeps se ipso nec superior est nec inferior; hinc merito, *meo quidem iudicio*, a dicta distinctione recedit COCCIVS in *Iure Controu. L. 1. tit. III. qu. 5. p. m. 41. seqq.* alias enim sequeretur Deum, dum Populo Iudaico leges forenses tulit, ad illas seruandas adstrictum quoque fuisse: Legislator legibus a se latis est solutus, v. l. 31. de LL. Sic status in suis territoriis vi superioritatis territorialis legibus quas soli condunt, non obligantur; si vero cum consensu Statuum Prouincialium, contrarium asserunt COCCIVS. c. l. *ibique citati.* \*\*)

## §. XV.

\*\*) Princeps igitur, etiamsi a legibus diuinis desleat, non aliam, quam Diuinam vindictam, eo quidem grauiorem experitur. v. MOLINA de l. et l. tit. 3. tr. 5. disp. 6. n. 14. ARNIS. de iur. Mai. L. I. c. 3. n. 12. conf. VNGEPAYR. Exercit. Iustin. II. qu. 5. p. m. 63. seqq. Optime rem explicat OWEN. Lib. III. epigr. 51.

*Subditus in legem peccat, Regemque DEVMque.*

*Rex peccat soli, Rex quia nempe, DEO.*

Mac  
niam  
prior  
post  
se ex  
Iure  
fit: a  
hic d.  
66-69  
luxuri  
hae, re  
nem in  
et filiu  
modur  
de pen

Q  
ignor  
crede  
ranti  
leges  
PRA  
tiora  
ac de  
den

## §. XV.

Antequam finem imponam, in mentem venit SCrum *Quaestio de*  
Macedonianum. Notum sc. est, quod is qui filiosfam. pecu- *filiosfam. an*  
niam mutuo dedit, si illam creditor repetere velit, exce- *hic ob mu-*  
ptione SCTi repellatur. Finge autem casum: filiosfam. *tuum in com-*  
post mortem patris, vel si sit emancipatus, bona acquisiuit. *scientia oblige-*  
se ex quibus, salvo statu et existimatione, soluere possit. *tur? examina-*  
Iure ciuili, vt soluat, cogi nequit, etiamsi iuris sui factus *tur.*  
sit: *an vero in conscientia*, vt soluat obligabitur? Optime  
hic distinguere videtur SCHILTER *Exer. XXVII. th.*  
66-69. si sc. filiusfamilias incio et inuito patre, ob causam  
luxuriae mutuum sumat, ex quo deinde perniciem fami-  
liae, reipublicae, toti ciuitati etc. inferat, cessare obligatio-  
nem in conscientia; si vero pater durior esset, quam par,  
et filius mutuum ad rem non illicitam, nec probabilem  
modum excedens sumeret, secus dicendum. Rationes vi-  
de penes SCHILTERVM l. c.

## A D D E N D A.

## I.

Quod ICTi docent ex l. 9. C. de LL. item l. 9. pr. de iuris et  
facti ignor. nec non l. 1. §. 2. de aedil. edict. leges scil.  
ignorare, nemini permissum esse; id cuilibet dictum esse  
credendum. Sunt quidem qui putant, quod legum igno-  
rantia plerumque excusationem praebere debeat: quia  
leges partim incertae, partim idiomate peregrino scriptae. v.  
PRASCH. de ICTo vero et person. §. 17. I. S. STRYK. de cer-  
tiorat. iur. renunc. c. 2. horum tamen aliorumque pia vota  
ac desideria huc vsque in foro efficere nil potuerunt.

II. Rusticitas itaque non meretur priuilegium. Equi-  
dem PAVLVS in l. 2. si quis in ius voc. et VLPIANVS

in l. 1. §. ult. de edend. rusticitati subueniendum esse, adserunt; Et VIRGILIUS Lib. II. Georgic. v. 501.

nec ferrea iura

*Insanumque forum aut populi tabularia vidit,*  
idem innuit; quae sententia etiam videtur placere  
NOODTIO ad tit. Pand. de iur. et fact. ignor. Tom. II.  
p. 482. Praxis vero hodierna haec principia deserit.  
Hinc rusticus, qui v. g. fatale in processu neglexit, in  
integrum restituendus non est, potuisset enim atque  
debuisset peritiores consulere. v. l. 9. §. 3. de iur. et fact.  
ignor. Sic iudicarunt ICti Vitteberg. apud de WERN-  
HER. Vol. I. P. I. Obs. LII. p. m. 68.

III. Leges ferendae sunt de rebus possibilibus, vnde  
sequitur, quod istae, quae conscientiae vim inferunt, sint  
improbandae. Humanitatis enim ratio semper habenda.

IV. An lex desuetudine tollatur? non conueniunt in-  
ter se doctores. Ill. de LEYSER. Vol. I. spec. ad II. IX. med.  
X. p. m. 100. putat optime fieri, si diceremus: *Simplicem*  
*desuetudinem non officere legi, sed eam tantum, quae con-*  
*tradiçto iudicio confirmata sit.* Quem in modum etiam  
a ICtis Helmstad. pronuntiatum refert.

Quo loco obseruari meretur, a quibusdam inter de-  
suetudinem et consuetudinem non distingui. Desuetudo  
enim, dicunt, nihil aliud est, quam consuetudo contraria  
antecedenti consuetudini vel legi. Quod si ita est, vt con-  
suetudo, et sic desuetudo, non sola patientia vel negligencia  
inducetur, sed contrariis factis et rebus. At, scribit

CALV

Videt

Lib. q

desuet

erit, q

hanc, h

tuisset

exemp

doctores

secund

tamen

su cont

ri debe

art. IV.

quoddam

WESEI

inter co

vsum d

suetud

suetud

tollat,

simpli

guen

LL. l.

quae

rum

tr. 1.

CALVIN. *in Lex. voc. defuetudo*, ista nugis simillima sunt. Videtur igitur et nobis verum, quod dicit BARTOL. *in l. de quibus 32. de LL. v. defuetudinem*. consuetudinem et defuetudinem *esse diuersa*. Defuetudo enim dicenda erit, quando lex quidem adest, nunquam vero iuxta hanc, huc vsque, pronunciatum, quod tamen fieri potuisset atque debuisset. Et huc recte quadrare videtur exemplum, quod *ill. de LEYSER. c. l.* adducit, *ut decoctores dolosi flauum pileum gestare debeant*. Licet enim secundum eiusmodi legem diu pronunciatum non sit, tamen *hac defuetudine*, nondum in vsu esse desit, et casu contingente lex omnino in pronunciando obseruari debet. v. VNGEVAVR. *de consuetud. ration. et irrat. art. IV. §. 5.* qui etiam defuetudinem, *ut contrarium quoddam consuetudini adducit. conf. omn. HAHN ad WESEMB. tit. de LL. v. consuetudo duplex est, n. 7.* vbi inter contrariam consuetudinem, defuetudinem, et non vsum distinguit. Liquet ex his, legem antea latam, defuetudine non tolli sed saltem *obscurari*. An vero consuetudo, (*quae suis requisitis constat*), legem priorem tollat, varie etiam dissentiunt doctores. Quidam enim simpliciter negant; quidam adfirmant; quidam distinguendo incedunt. v. BECHM. *in comment. ad II. tit. de LL. l. 32. §. I. p. m. 75.* Negantes fundant se *in l. 2. C. quae sit long. consuet.* adfirmantes *in cit. l. 31. §. 1.* quorum opinionem et nos, cum HVNNIO *Resol. lib. I. tr. 1. qu. 27. p. m. 74.* in conflictu tuebimur.

V. Legis virtutes quarum fit mentio in l. 7. de LL. non ad legis essentiam, sed ad effectus pertinent. Accuratus itaque loquendo *duo* sunt primarii legis effectus: *Praecipere et vetare*, v. HAHN ad WESENB. tit de LL. v. *illud commune*. Conf. *omn.* GERARD. NOODT ad II. tit. de leg. *Senatusconf. et long. consuetud.* §. *vidimus*. In eius oper. *Tom. II. p. m. 12.* vbi disquirat: *an non MODESTINVS in cit. leg. 7. SVADERE etiam ad legis virtutes referre debuisset*: cum in Pandectarum fragmentis complura extent consiliorum suasionumque exempla: *vt in l. 34. de LL. l. 36. de R. V. et alibi*. Sed concludit NOODT, quod non: Quia MODESTINI sermo est de *virtute legis*: Fragmenta autem illa non sunt leges, sed doctrinae Ictorum, etsi a IVSTINIANO acceperint legum auctoritatem; hoc enim contigit demum post MODESTINVM, hinc illi in mentem venire non potuit.

VI. Non adprobamus *legem*, vel si mauis *mandatum* BATAVORVM, vi cuius praefectis nauium iniungitur, vt potius, si in praelio nauali hoste superiores esse non possunt, antequam ipsi et naues in potestatem hostis viui veniant, qui post iis vterentur contra se, nauem ipsam cum omnibus militibus, puluere ignito perderent. Nulla quippe species *αυτοχειρίας* licita, quicquid alii dicunt. v. *omn.* VNGERAVR. de erroribus Iustinian. *posit XIV. usque XXVII.*